

# Persediaan untuk hadapi krisis bencana

►KorSispa UMSKAL bantu latihan tsunami

LABUAN: Program Latih Amal Tsunami Labuan 2017 anjuran Perbadanan Labuan dengan kerjasama Agensi Pengurusan Bencana Negara (Nadma Malaysia) dan Jabatan Meteorologi Malaysia (MetMalaysia) telah diadakan di SMK Pantai pada Sabtu lalu.

Seramai 90 anggota Kor Siswa Siswi Pertahanan Awam Universiti Malaysia Sabah Kampus Antarabangsa Labuan (KorSispa UMSKAL) Semester 2,

Semester 4 dan Semester 6 Sesi Akademik 2016/2017 menyertai program itu bersama agensi penyelamat, keselamatan, agensi bantuan dan sokongan, sekolah, pihak swasta dan penduduk setempat Wilayah Persekutuan Labuan.

Pasukan itu turut disertai oleh Pegawai Bersekutu KorSispaUMSKAL Leftenan Kolonel Bersekutu (PA) Profesor Madya Dr Norazah Mohd Suki, Kapt (PA) Japli Siping (Ketua Jurulatih

Sispa UMSKAL), Lt (PA) Marinus Mathius (Pembantu Jurulatih Sispa UMSKAL), Lt M (PA) Mohd Bakhtiar Yamba dan Pbt (PA) Awang Azami Kassim.

Penglibatan KorSispa UMSKAL dalam program latih amal ini adalah seperti memberi sokongan kepada agensi yang terlibat di pusat pemindahan untuk memaklumkan kepada mangsa kejadian bencana supaya tidak cemas.

Pelajar KorSispaUMSKAL juga membantu mangsa bencana terus bergerak ke tempat diarahkan oleh pihak



PEMERHATI Program Latih Amal Tsunami Labuan 2017 anjuran Perbadanan Labuan dengan kerjasama Nadma Malaysia dan Jabatan Meteorologi Malaysia (MetMalaysia) bersama Rozman (10 kiri) dan Rashid (lapan kiri).

*“Disamping memperoleh ilmu persediaan menghadapi krisis bencana, pelajar KorSispa UMSKAL dapat memupuk nilai-nilai murni seperti semangat berpasukan dan kemahiran komunikasi.”*

LEFTENAN KOLONEL BERSEKUTU (PA) PROFESOR MADYA DR NORAZAH MOHD SUKI Pegawai Bersekutu KorSispa UMSKAL

berkuasa tempatan dengan memberikan kerjasama sepenuhnya kepada petugas dan urusetia yang sedang menguruskan perjalanan

program latih amal itu.

Norazah yang turut dilantik sebagai pemerhati dalam program latih amal itu berkata di samping

memperoleh ilmu persediaan menghadapi krisis bencana, pelajar KorSispa UMSKAL dapat memupuk nilai-nilai murni seperti semangat berpasukan dan kemahiran komunikasi.

Selain itu, pelajar dapat bekerjasama, keyakinan diri serta adab pergaulan yang sihat dengan penduduk setempat dan agensi yang terlibat melalui program latih amal itu.

“Menerusi program itu, pelajar KorSispa UMSKAL

dapat pengetahuan dan pengalaman kaedah menangani bencana seperti tsunami di Wilayah Persekutuan Labuan,” katanya.

Latihan tsunami itu turut dihadiri Ahli Parlimen Labuan Datuk Rozman Isli, Ahli Dewan Negara Senator Datuk Yunus Kurus, Ketua Pengarah Nadma Dato’ Abdul Rashid Harun dan Ketua Pegawai Eksekutif Perbadanan Labuan Azhar Ahmad.



(Gambar atas) TIMBALAN Naib Canselor (Hal Ehwal Pelajar) UMS Prof Madya Dr Ismail Ali (kiri) bersama Rashid dan Norazah.

(Gambar kanan) ROZMAN (empat kiri), Yunus (tiga kanan) Rashid (tiga kiri) dan Azhar (empat kanan) bersama agensi kerajaan yang terlibat dalam Program Latih Amal Tsunami Labuan 2017.

